

玄

關


一

竅

圖

此竅通天竅法中真奧妙

得遇至人傳教君須大笑



夫玄關一竅內藏天地陰陽日月星宿三元八卦四象五行二十四炁七十二候風雲雷電雨皆在其中矣保一真人曰書符不知竅卻使鬼神笑今之行持道法者不得道法之根源妄於紙上作用以為符竅殊不知此竅非凡竅乾坤共合成名為神炁穴內有坎離精當於自中求之不可求之於他也玉蟾真人

道藏輯要


道法心傳

三

下昂集五

云此竅實居中居申復一中萬神從此出直上與天通紫陽真人曰身中一竅名玄牝此竅非心非腎非口非鼻非脾非胃非谷道非膀胱非丹田非泥丸也能知此竅則冬至在此矣藥物在此矣火候在此矣沐浴在此矣結胎在此矣余心傳錄云一竅虛無天地根綿綿密密不通風恍惚杳冥包萬象真人出現寶珠中

法先行一天一炁圖



月到天心處 風來水面時

要知端的意 斗柄指虛危